



●黃寶妮正是人才中心培訓的出色學員。



●香港賽馬會CEO應家柏(右)在訓練中心輕撫馬匹。



●學員示範訓練，首席騎術教練高雅志(右三)向CEO應家柏(右二)講解。

賽馬人才培訓中心 完成整修揭牌 黃寶妮勉後輩 堅持終見出頭天



近年本地騎師有不少人才湧現，繼何澤堯前年成為國際騎師錦標賽首位華人冠軍後，梁家俊、鍾易禮及周俊樂等新生代亦表現活躍，今季更有「土產」見習女騎師黃寶妮(Britney)迅速冒起，而隨着賽馬人才培訓中心馬房完

成整修，未來可望為賽馬運動輸送更多本土新血。作為「香港製造」的Britney 9年間從「菜鳥」成長為馬壇新貴，她感謝見習騎師學校多年來的悉心栽培，亦寄語一眾師弟妹要堅持到底，終會有苦盡甘來的一天。

圖/文：郭正謙



●校長陳念慈為馬會培訓人才貢獻良多。

2008年賽馬人才培訓中心馬房開幕，為賽馬訓練和發展提供專門設施，培養出賽馬行業不同工種的人才。17年後的今天，這座本地賽馬人才「兵工廠」邁向全新里程碑，昨日在馬會行政總裁應家柏、馬會賽馬事務執行總監夏定安，以及馬會賽馬人才培訓中心高級經理暨見習騎師學校校長陳念慈見證下，完成整修落成揭牌儀式後，亦象徵本地賽馬人才培訓發展踏上新台階。

難忘9年青春 感恩一路相隨

今季人氣高企的香港見習女騎師黃寶妮正是出身於賽馬人才培訓中心旗下的見習騎師學校，9年間從零開始學習，到今時今日終於嶄露頭角，她表示除了知識和技術，最重要是學到了心態：「我入學之前完全什麼都不懂，學校從零開始培訓我，好多謝校長(陳念慈)、高Sir(高雅志)以及很多不同地方的教練悉心栽培我，各方面的東西都傾囊相授，而最重要的是學懂什麼是堅持和苦盡甘來。」

花費9年青春向着騎師夢步步邁進，黃寶妮感激身邊人一路相隨：「在這間學校9年，始終不是一段

短的時間，但因為各位教練一直keep住支持和鼓勵我們，我才有機會幸運地回來香港做騎師，努力了這麼多年終有成果，其實有好大滿足感，也是9年來最難忘的事。」

見習騎師學校多年來培育出多名本地賽馬人才，當中包括告東尼、呂健威、何澤堯及周俊樂等，黃寶妮寄語師弟妹不要放棄，他們的付出終有被看到的一天：「最重要是堅持，可能有時會覺得日日如是，但其實捱過這段時間，會有下一條路讓你行。」除此之外，她也提到單人要自己多嘗試多親身感受：「場上步速以及馬匹溝通這些都要自己去多點領略，始終要靠感覺，單憑別人去講可能不是太『入心』。」

陳念慈讚Britney啟發新學員

對於未來目標，黃寶妮表示會爭取盡快升格：「目前來說成績都OK，當然可以再好一點，給自己的目標都是盡快升格，爭取去跑馬地上陣。」至於校長陳念慈亦大讚黃寶妮的認真態度啟發到很多新學員，而馬房之後亦會加入人工智能元素提升訓練效率，未來會與董事商討會不會加入更多本地見習騎師。



●香港賽馬會賽馬人才培訓中心馬房整修落成揭牌儀式，場面熱鬧。



頭關最愛輝煌精英 第七場雙膽玩得過

今期三T有多寶，頭關又擺十隻馬場合，睇落都係以恆注玩法出擊！第五場二班1200米，「華麗再勝」睇落卡士最高，不過佢今場有兩個缺點，第一要預135磅，第二係排10檔，睇嚟睇去都係做腳穩陣。呢場雙膽揀一對前置馬，「愛馬善」今季六次跑田草1200米，擲到三冠兩亞真係準到爆，田泰安同佢都幾夾檔，雖然上二班但求一席位唔太難。「輝煌精英」都係田草1200米專家，今季六戰呢個路程，成績一冠三亞一季，丁冠豪今次出到潘頓，情況同上個禮拜日「魯班精神」一樣搏盡。

風繼續吹上場受困

第六場第四班1400米，「風繼續吹」已經六歲，勝在今季密跑減到分，上場擺明配合「愛馬善」同日出擊，點知梁家俊擺唔到位出嚟，到望空已經太遲，呢個梗頸四肯定好多人失望，田泰安今次接手排1檔，只要擺位靚仔，應該可以坐位望贏。配腳揀冷，其

三T提供(160注)		
第五場	第六場	第七場
5 愛馬善	7 風繼續吹	1 縱橫天下
6 輝煌精英	1 飛越星空	3 哈羅威
1 華麗再勝	4 獨步天下	2 暴風之子
3 美麗緣分	5 心雄雄	7 飛躍成就
8 得道猴王	8 笑喜喜	10 午夜快車
10 欽易搵	10 勁沙塵	12 彭玊
(4注)	(10注)	(4注)

紅字為馬膽

中一隻係「心雄雄」，父系Per Incanto水極有限，近幾場都輸唔遠，趁未走光博得過。第七場第四班1400米，「哈羅威」田草1400米硬淨兼跑法主動，「縱橫天下」落四班好惡，雙膽最正。大冷腳揀希斯隻「午夜快車」。

精益大師縮程有計



黃寶妮依家有10磅減的，確好使好用，葉楚航睇準佢呢個優點，近兩場都界「精益大師」佢跑，呢隻馬田草1400米真係嫌長多少，前仗頂到返嚟跑個第三已經屌飛利，上次頭三段造57秒91，快過前仗58秒89多多聲，直路唔啱軟至奇。今次葉楚航等隻「精益大師」休息番三個禮拜，兼且縮番落田草1200米，原來呢隻馬未跑過呢個路程，幕後唔直接出跑馬地贏馬嘅1000米同1200米，似乎想同馬迷鬥智，既然「精益大師」會因為咁而有分頭，加埋排1檔起步，放出嚟順住走，帶到有乜咁出奇先！



●「精益大師」用黃寶妮減10磅，有力放到。

冷門WP	
第四場	8 精益大師

六環彩集中火力博尾三關



今期六寶獎有多寶，頭三關恆注為主，注碼集中博尾三關，第九場熱門要「中環精英」同「快靚旺」，冷門博「大回報」，如果呢隻馬爆得出，真係馬如其名大回報。第十場「安可」初次頂重磅，大膽放棄，呢場先博「包裝」系兩駒，「包裝明駒」上場飛到馬到，擺明三班留唔住，而「包裝旋風」上季呢個路程Easy Win絕對唔簡單，今季初一直跑唔番，游達榮接手終於有起色，為免誤中副車，一齊揀晒穩陣。「天將龍駒」上場擺位差到爆，東東唔想失帥權一定鍊盡。第十一場「康樂高球」當起馬有得飛。冷門要「至尊瑰寶」同「傳承效應」，兩隻馬有進步，隨時唔聲唔聲、嚇你一驚。

六環彩(54注) 三寶(27注)		
第六場	第七場	第八場
7 風繼續吹	1 縱橫天下	3 手機錶霸
	3 哈羅威	
第九場	第十場	第十一場
6 大回報	3 包裝明駒	3 康樂高球
9 中環精英	6 包裝旋風	8 至尊瑰寶
10 快靚旺	9 天將龍駒	14 傳承效應

中環精英有回報



今期日馬用田草C欄跑道窄，擺明都係爆局，一於玩三條Q同QP混合過關，全程26注出擊，如果過晒都幾和味！頭關第二場四班1000米，呢場揀一對落班馬，「爵登」上季贏過呢個路程，暑假因為肌腱受傷，抖到今季三月先復出，上場係咁咁跑第四，呢次落四班幾惡。「展雄威」上場同「健康快車」強組賽跑第五，今次四班完全兩個世界，抽埋14檔隨時食得。

至旺財又足電最靚

次關第三場五班1200米，「至旺財」馬主係前大董郭志桁，呢隻灰馬仔季初四班都上到名，一月嘅五班輪昇「鄉村樂韻」跑第二，「鄉村樂韻」上番四班四場未甩過獎金名次，賽績水極有限，今次抖番一個月試埋開再跑，應該郁手。「萬事靚」同東東幾夾檔，鵬哥搶分刻不容緩。尾關第九場三班1000米，「中環精英」講賽績嘅呢場排前列，冷腳揀蘇偉賢隻初出馬「大回報」。



●「中環精英」(右)回歸直路賽，有力挑戰任何對手。

混合過關3×7(26注)		
第二場	第三場	第九場
1 爵登	4 至旺財	6 大回報
2 展雄威	10 萬事靚	9 中環精英